

## Ji` e cajme' TIÁA~

<sup>1</sup> Jnea~ sii~ Tiáa~, jaang` dsea` i jmoó` lajii~ e iing~ Fidiéẽ cõo~gui Fíi'naa' Dsea` Jmáang~, jo jmo'o e ji` la e catíng~ laji` guitú' 'lé' dsea` Israel i líng' dsea` quía'~ Dsea` Jmáang~ i sisoõ` sijóng` fí' la'úng~ fí' jmigüi~. Guicõo~'baa' lajaang` lajaang`na'.

*Fidiéẽbing' i jmicõo~* dsea` e ñir' e~ nijmér~

<sup>2</sup> Dsea` rú'naa' dsea` quía'~ Dsea` Jmáang~, güili'iaang` óo'na' mi~ iing~na' lí^ doñi' ee` e huíng~, <sup>3</sup> dsucõ' niñib^ 'nú' guiú~ e mi~ móo~na' jalé' e huíng' do, joba' eáang'gui sea` bí quíi'na' e té'na' fí' guiú~ lí niteáang`na' cõo~ Dsea` Jmáang~. <sup>4</sup> Jo cõ' jmi'úum'ba' e dseáng'~ té'ba' e nisíng'~na' teá'gui e fí' guiú~ do cõo~ jalé' e dsingíng~na' do, joba' niliguiúng~na' lacõ' sí'í' fí' quini~ Fidiéẽ.

<sup>5</sup> Jo song jaang` dsea` lajee` la'ó' 'nú' ja` ñir' e~ nijmér~ quía'~ lí^ doñi' ee`, joba' 'né' e nimí'r~ Fidiéẽ e nijmicõo~ quía'r~ e ni'f^ dsíir' e~ jalé' e nijmér~ quía'~ jalé' e camir' do; cõ' í'bing' cuø' jaléng' dsea' lalíng' jogui e íaang` dsíir' mi~ mi' dsea' ír' e jmicõoiñ~ do quía'r~, jogui ja' e 'gaaiñ` jii~ cõo` quía'~ jalé' e jo cajo. <sup>6</sup> Dsu' mi~ nimí'r~ Fidiéẽ lajo, 'né' e jáb'~ nilíiñ' e nijmicõob'~ dsea' do quía'r~, jogui ja' í' dsíir' jii~ cõo` fa' e dsea' do ja' nijmicõo'r~ cõo~ e jo; cõ' song iú dsea' ja' óor' júu` ta` dsíir' e nijmicõo~ Fidiéẽ quía'r~, joba' i dsea' í' líiñ` lafa' jmi' mi~ dsiguíng~ cõo~ guí' fí' la fí' na. <sup>7</sup> Jo i dsea' i líng' lajo ja' güi'í' dsíir' fa' líng~ ee` nijmicõo~ Fidiéẽ quía'r~, cõ' ja' niñiñ` jii~ cõo` e jo quía'~ dsea' do. <sup>8</sup> Cõ' i dsea' la'í', lana í' dsíir' cõo` jogui dsa'ó' e jiéb' ni'í' dsíir', jogui ja' iu` dsíir' cõo~ jalé' e jmoór` do cajo.

<sup>9</sup> Jo fiī-guáí 'nú', dsea` rú'naa' dsea` quiá'⁻ Dsea` Jmáang⁻, e iì lajee` la'ó' 'nú' i ja` 'ga' lí' sea` quiá'⁻ fí jmīgüǖ la, joba' 'né⁻ e nijmi'íáam` dsíí i dsea` la'í, co' Fidiée`bing' i niseáng' i dsea` do yá'⁻ mī nití⁻ oor~ quiá'r⁻. <sup>10</sup> Jogui lajobi cajo iì lajee` la'ó' 'nú' i sea` cuu⁻, 'né⁻ e nijmi'íáam` dsíí dsea` do fíng cajmée` Fidiée` e nijgiáaiñ⁻ dsea` do, co' i dsea` sea` cuu⁻ do líiñ` lafa' coo` lí' quiá'⁻ lí' doñí ee` onuu, co' ja` huøø` té' e jí'. <sup>11</sup> Co' mī niligüǖ iee, dsifí lajob lífíng' lí' quiá'⁻ e onuu` do, jo dsifí ladob nité' fí ni~ uó⁻, jogui íim⁻ lajiī⁻ e ia' do. Jo lajob lí' cóo'⁻ i dsea` sea` cuu⁻, co' mī nití⁻ oor~ quiá'r⁻ e nidséiñ'⁻ fí jmīgüǖ coo`, catú`bre lajalé' e sea` quiá'r⁻ fí jmīgüǖ la.

*Mī dsingíng⁻ dsea` jalé' e huíng'*

<sup>12</sup> Juguiá jiu quiá'⁻ jaléng' dsea` i jmóo` té' cóo'⁻ jalé' huíng' e dsingíiñ⁻ uiī⁻ e ja` jmóor` jalé' e ja` dseeng`, dsuco' mī ningí e cajmээр` e jo, joguiba' ni'íñ' lajiī⁻ e guiá⁻ e catíiñ⁻ e niliseeiñ` cøøng` cóo'⁻ Fidiée` lata~, co' lajob júu` cacuø Fidiée` lamī jééng'gui quiá'⁻ jaléng' dsea` i jmi'neáang` ír'.

<sup>13</sup> Jogui mī iing~ jaang` dsea` e nijmér⁻ e ja` dseeng`, jo ja` güi'í dsír' e Fidiée`bing' i jmóo` e iñ~ e nijmér⁻ lajo, co' Fidiée` ja` catíiñ⁻ jíí⁻ capí' fa' e nijmér⁻ e ja` dseeng`, o'gui jmóor` fa' e lajob nijmé⁻ dsea` jiéng' cajo.

<sup>14</sup> Dsu' ja` lí' lajo, co' lí' lí' yaam~ dsea` í dsír' ga, jogui yaam~bre cajo iñ~ e nijmér⁻ jalé' e ja` dseeng`, co' job liquiéé' quiá'r⁻ e niligøøiñ` e nijmér⁻ jalé' e ja` dseeng` do.

<sup>15</sup> Jo cóo'⁻ jalé' e ga' e í dsír' do, e joba' jmóo` e jmirøng` dsee⁻ yaaiñ~. Jogui mī ni'míng' e éáng' e dsee⁻ do, joba' i dsea` í ni'nám`bre cóo'⁻ Fidiée` lata` jóng.

<sup>16</sup> Joba' fiī-guáí 'nú', dsea` rú'naa' i 'neáan`n eááng', ja` jmīgøøng` yaang~na' cóo'⁻ jalé' e jo. <sup>17</sup> Jo Fidiée`bing' i

cuø' jneaa~aa' jalé' e guiú~ jogui jalé' e niguó'^, jo íb` cajo  
 i cajmeáang` jaléng` i jmijneá' jí` i seeng` fí' yú'^ jmigüü` e  
 laco' sea` jmií~ jogui sea` uóø. Jogui 'ñia' Fidiéé` ja` tóo`  
 jmií~ fa' e nilisíiñ~ laco'gui lisíing~ jalé' jí` i seeng` fí' yú'^  
 jmigüü`, co' ja` quí'~ jmií~ e nilí lajo, co' dseáng'~ røøb`  
 líng` dsea` do lata~. <sup>18</sup> Jo co' Fidiéé` 'ñia' bre cali' iññ~, joba'  
 cacuø' e nilisee~ naa' cøøng` cóo'r~ la'eáang` cóo'~ e já'~  
 lí'naa' júu` quiá'~ Dsea` Jmáang~. Jo cajméer` lajo e laco'  
 jaléng` jneaa~aa', dsea` lí'naa' dsea` quiá'r~, nisíng'~ naa'  
 fí' quini`gui jee~ jaléng` dsea` i nijmé~ Fidiéé` i nilíing~  
 dsea` quiá'r~.

*Jial lí' mi~ dseáng'~ e já'~ e licuíng` dsea` Dsea`  
 Jmáang~*

<sup>19</sup> Jo téé' óo'na' jalé' e júu` la, dsea` rú'naa' i 'neáan`n  
 eáang`, e lajím` 'nú' 'né~ guiéeng~ guiú~ yaang~na' e  
 ninúu`na' røøb`; dsu' ja` 'né' fo'^na' ladsifí' e ja` mí' ca'íi`  
 óo'na' røø, o'gui cuó'^ fí' yaang~na' e jmée^na' guíng~na'  
 quiá'~ doñí' ee' e jmóo` dsea` cóo'~ 'nú'. <sup>20</sup> Dsüco' mi~  
 jmiguíng~ dsea` rúíñ', joba' ja` éer` røø laco' catíng~ e  
 jmóo` dsea` quiá'~ Dsea` Jmáang~, co' ja` jmóor` laco' iáang`  
 dsíi' Fidiéé` e nilí. <sup>21</sup> Joba' fíi` i 'nú' e 'né~ tú^ba' jalé' e ja`  
 dseeng` e jmoo'na' fí' jmigüü` la, jogui ca' 'naang~na' cajo  
 jalé' e 'lí'^ e sea` fí' jmigüü` la, jo íng'~na' e ngocáng` óo'na'  
 lajii'~ júu` quiá'~ Dsea` Jmáang~ e nicanúu~na', dsüco'  
 e júu` joba' e quí'~ jmií~ e nileáang~na' jee~ jalé' dsee~  
 quí'^na'.

<sup>22</sup> Jo dsu' ja` e ta` íng` quí'~na' líco' nuu'na' e júu` jo  
 song ja`gui jmití^na'. Dsüco' song ja` jmití^na' e jo, joba'  
 lí'^ jmigóøng` yaam~ba' jóng e líng'na' dsea` quiá'~ Dsea`  
 Jmáang~. <sup>23</sup> Jo jaléng` i dsea` i líco' núu` e júu` jo dsu'  
 ja`gui jmitir~ laco' catíng~, joba' i dsea` í líiñ` lafa' jaang`  
 dsea` mi~ jøøng~ 'ñia'r` dsíi' síi' jo jnéem~ jial laco' ír`;

<sup>24</sup> jo dsu' dsifí mi~ cangî e cangáng- 'ñia'r dsí' e sí' do, ca'ím- dsíir' jialco' líiñ' ladsifí' lado jóng. <sup>25</sup> Jo dsu' i dsea' i ja' íing- dsí' jalé' e júu^ quiá'- Dsea' Jmáang- e núur' do, jogui núu'~bir e ngocáng' dsíir' e jo, joba' dsea' í'bing' i contøom- tóo' dsí' e nileáin' jee~ jalé' dsee- quiá'r^ la'eáang' cóo'~ júu^ quiá'- Dsea' Jmáang-, jogui íb' cajo i niliseeng' juguiú- cóo'~ Fidiée'.

<sup>26</sup> Jogui song jaang' dsea' í' dsíir' e líiñ' dsea' quiá'- Dsea' Jmáang- jo dsu' mí' 'noo'bi fé'r' júu^ e ja' dseeng', joba' i dsea' í'bing' i jmigøong' yaang~ e líiñ' dsea' quiá'- dsea' do, jo dseáng'- ja' ee'ta~ íing' jí'~ cóo' quiá'r- cóo'~ lají' e fé'r' do e cúiñ' Dsea' Jmáang-.

<sup>27</sup> Jo lají'~ dsea' i ja' beáng' dsee- yaang~ cóo'~ jalé' e 'lí' e sea' fí' jmiçüf' la, jogui jmicóo'r~ jaléng' jiuung~ 'ní' jogui jaléng' dseam' i 'ní' cóo'~ jalé' fí'í' dsí' e sea' quiáin' do, jo lají'~ dsea' í'bing' i dseáng'- lajang'- líng' dsea' quiá'- Dsea' Jmáang-, jogui ja' ee' sí' líiñ' jí'~ cóo' fí' quini' Fidiée' cajo.

## 2

*'Né- ée' dsea' røøb' cóo'~ jaléng' dsea' rúin'*

<sup>1</sup> Jogui fí' guí' 'nú', dsea' rú'naa' dsea' quiá'- Dsea' Jmáang-, co' 'nú' líng'na' dsea' quiá'- Dsea' Jmáang- i dsea' i laniing- 'gøng' do, joba' 'né- e ee-na' røøb' cóo'~ jaléng' dsea' jmiçüf'. <sup>2-3</sup> Cofa' lí' lí' lala: e cóo' lí' siseáng'na' fíng'na' colíng~, jo lajee' e siseáng'na' do niguiéé' jaang' dsea' i sea' cuu- i qui' 'mí' e jlo' jogui quier' ní' iu~ niguoo' e 'mo'^ eáang', jo joba' eáam' guíú- ni'íng'na're, jogui jaang' 'nú' niff'^na're lala: "Ní' e fí' lí' jlo'^gui la." Dsu' lajee' job cajo niguiéé' jaang' dsea' tíníng- e fí' lí' siseáng'na' do i qui' 'mí' e sito', jo jaang' 'nú' niff'^na're lala: "Do güinootea 'nu' lí'^ doguiju", osi "Güiguieeng-tea uø' lí'- ní' uø' lí'^ do." <sup>4</sup> Jo

song lajobi fól'na', joba' gab' lí' quí'na', cō' nijmoo'na' e niguíim'ba're jóng uí' e ni'í' óo'na' e dsea' sea' cuu'bing' i niing'gui, dsu' o' lajo.

<sup>5</sup> Jo núu'na' jalé' e nifí'guí' 'nú' la, dsea' rú'naa' dsea' quía' Dsea' Jmáang': 'Né' nicá' 'nú' cuente e Fidié'bing' nicaguíng' jaléng' dsea' tiñíng' fí' quini' jaléng' dsea' jmi'güí' e laco' ni'uíñ' do dsea' i lajang' teáng' teá' fí' guíu' cō' Dsea' Jmáang' laco' sí'í', jogui lajoba' e ni'íng' i dsea' í' e Fidié' quie' nifí' quía'r' lí' laco' jí' e nicajíng' dsea' do lami' jééng'gui e nicuó'r' jaléng' dsea' i 'neáang' í'. <sup>6</sup> Jo dsu' 'nú' lí' lí' jmi'uóng'na' jaléng' dsea' tiñíng', cō' ja' jmi'goo'na're. Jo çja' ca'na' cuente e jaléng' dsea' sea' cuu'bing' i jmáng' 'nú' ga', jogui í'bing' cajo i dsijeáang' 'nú' laguidseaang' fí' quini' dseata? <sup>7</sup> Jo téé' óo'na' cajo e i dsea' sea' cuu'bing' i fé' júu' 'lí' quía' Dsea' Jmáang' cō' jaléng' dsea' quía'r'.

<sup>8</sup> Jo e guíu'ba' jmoó' 'nú' song dseáng' e lajang' núu'na' lají' júu' e laniing' eáang' lí' laco'gui la fé' fí' ni' jí' quía' Fidié' lí' fé' lala: "Jmi'neáang' jaléng' dsea' rún' lí' laco'gui jmi'neáan' uó'." <sup>9</sup> Dsu' fíng song ja' røø' jmoó'na' cō' lajaang' lajaang' dsea' rúng'na', joba' nilí' e ni'beáang'na' dsee' yaam'ba' jóng, jogui ni'oo'ba' dsee', cō' ja' cajmití'na' júu' quíu' ta' quía' Fidié'. <sup>10</sup> Jo fa' núu' jaang' dsea' jalé' e júu' quía' Fidié' do dsu' ja' jmitir' fa' cōob' e júu' do, joba' dseáng' óob're dsee' jóng, cō' ja' jmitir' dseáng' lajalé' e júu' quía' dsea' do. <sup>11</sup> Cō' 'ñiab' Fidié' dsea' cajíñ' lala cajo: "Ja' 'lee' e güín' cō' dseañu' osi dseam' i o' quí'." Jogui cajím'biguir cajo: "Ja' jngan' dsea' rún'." Joba' jia' fíng ja' mí' cajmée' dsea' e güíñ' cō' dsea' i o' quía'r', jo dsu' song nicajngam'bre dsea' rúñ', joba' nicabeám' dsee' 'ñia'r' jóng, cō' ja' mí' calínúu'r' dseáng' lajalé' júu'

quíá' Fidiée'. <sup>12</sup> Jo lí' doñí' ee' e nifo'^na' osi lí' doñí' ee' e nijmée'^na', 'né' ni'ee'na' røø' lacø' catíng' e jmóo' dsea' quíá' Dsea' Jmáang', cø' Fidiée'bing' i' niquidsí' í' quí'na' cóo' e júu' e nileáng'naa' jee' jalé' dsee' quí'ii' do. <sup>13</sup> Jo jaléng' dsea' i' ja' mí' fíí' calíng' jaléng' dsea' rúng', joba' lajob' nijmé' Fidiée' cóo' ír' cajo' mí' tí' lí' nití' í' quíá'r'; jo dsu' jaléng'gui dsea' i' nicalí' fíí' líng' jaléng' dsea' rúng', guiúb' nidsijée' quíá'r' mí' nití' oor' e niquidsí' Fidiée' í' quíá' jaléng' dsea' jmigüf'.

*'Né' e jmitib' dsea' ø' líco' fé'r'*

<sup>14</sup> Jo lajoba' fíí' guí' 'nú', dsea' rú'naa' dsea' quíá' Dsea' Jmáang', dseáng' ja' ee' ta' íng' quí'na' e fól'na' e já' líng'na' júu' quíá' Dsea' Jmáang' song ja'gui jmití'na' lajíí' júu' quíá' dsea' do. Cø' i' dsea' i' fé' e já' lííí' júu' quíá' Dsea' Jmáang' jo dsu' ja' núu' e fa' jmitir' e júu' jo, joba' dseáng' ja' nileám'bre jee' jalé' dsee' quíá'r'. <sup>15-16</sup> Fa' majmée' duu' cuente e jaang' dseam' osi jaang' dseañu' i' líng' dsea' quíá' Dsea' Jmáang' i' ja' sea' jalé' e 'né', fa' la sí'r' osi jalé' e dór' e lalíng' lacø' jmíí' lacø' jmíí', jogui jaang' lajee' 'nú' níí'na're lala: "Guóng' cóo' e guiú' guiá' fí', jo ja' güilí' güiquín', jogui quíé' la tí' e já' o'." Jo dsu' fíng' song i' dsea' i' cajíng' do ja' ee' cuø'r' jíí' cóo' i' dsea' í' lajíí' e 'né' quíá'r' e táaiñ' fí' jmigüf' la, joba' dseáng' ja' ee' ta' íng' e jo jíí' cóo' quíá'r' fíng' song lajobi' jmóor'. <sup>17</sup> Jo lajob' líí' mí' jíng' dsea' e já' lííí' júu' quíá' Dsea' Jmáang', dsu' fíng' song ja'gui núu' dsea' dseáng' lajalé' e júu' quíá' dsea' do, joba' ja' ee' ta' íng' quíá'r' e jíí' e já' lííí' e júu' jo. Cø' song ja' éer' lacø' sí'í' cóo' e júu' e já' lííí' do, joba' ja' ee' ta' íng' quíá'r' jíí' cóo'.

<sup>18</sup> Jo jialfa' i' líng' dsea' nífé'r': "Nu' fól' e já' lín' júu' quíá' Dsea' Jmáang', jogui jnea' fá' a e núu' baa e júu'

jo.” Joba' fñi- i 'nú', ée~du' jnea~ e já'- lñn' júu^ quiá'- Dsea' Jmáang- nañí' fa' e ja' núu~ e júu^ jo, jogui jnea~ gui ni'ée^duu 'nu' e dseáng'- e jáb'- lñn' júu^ quiá'- Dsea' Jmáang-, co' dseáng'- núu~baa e júu^ jo.

<sup>19</sup> Jogui 'nu' nijá'- nilñn' e seem` Fidiée~, jo guiúb- jmoo` song lajob í' o', co' e já'- e júu^ jo. Dsu' 'né- e tóo` o' cajo e la quie` tí' jaléng' i 'lím' já'- lñn' e jo, joba' dsíng'- jléeiñ` dsu' uíi~ e 'gõññ' Fidiée~. <sup>20</sup> Jo jie~ mí' jmicaan' melé-, co' ja' ee' ta' íing^ jíi~ coo` quíi'- e já'- lñn' júu^ quiá'- Dsea' Jmáang- song ja'gui núu~ e júu^ jo. <sup>21</sup> Co' 'né- e tóob` o' cajo e ca'ím' Fidiée~ i 'lii~ yúu~ quíi' i sii` Abraham do e lñiñ` jaang` dsea` guiúm- fí' quini~, co' cajmée`bre núu'r~ júu^ quiá'- Fidiée~ mí' cacuõññ' i joo' i sii' Isáa' do e si'í' nijngáññ'- do fí' quini~ dsea' do. <sup>22</sup> Joba' niñí' bi e i 'lii~ yúu~ Abraham do cajmili~ e já'- lñiñ' júu^ quiá'- Fidiée~ uíi~ coo' jalé' e cajmée' do. Jo la'eáang' coo' e jo, joba' cuo' lí~ e ca'lié' e dseáng'- e jáb'- lñiñ' júu^ quiá'- dsea' do laco' si'í'. <sup>23</sup> Jo lajoba' caliti~ jalé' e fé' fí' ni~ jì' quiá'- Fidiée~ lí' fé' lala: “i 'lii~ yúu~ Abraham do jáb'- calfiñ- júu^ quiá'- Fidiée~, joba' Fidiée~ ca'íñ' dsea' do e lñiñ' jaang` dsea' i ja' carøong` dsee-.” Joba' calisí i 'lii~ yúu~ Abraham do jaang` dsea' i eáang' iing~ rúng' coo' Fidiée~.

<sup>24</sup> Jo niñí' bi 'nú' guiú- cajo e ím' Fidiée~ dsea' e liiñ' dsea' i ja' røong` dsee- jaléng' i núu~ jalé' júu^ quiá'r-, jo o' i dsea' i jíi~ licó' fé' e já'- lñiñ' júu^ quiá'- dsea' do.

<sup>25</sup> Jo lajob calí- cajo coo' jaang` dseamf i sii` Rahab i caliséng' malii~ gui eáang' i cajmée' ta' 'níng' 'ñia'. Co' ie~ jo Fidiée~ ca'ím' breiñ' do e liiñ' jaang` dsea' i ja' røong` dsee- fí' quini~ uíi~ e cajmée' e cacuør' lí~ nijé- dsea' Israel i casíing` dsea' góo` Josué nú'- gui e níngng- jaléng' dsea' Israel do fí' lí' se' Canaán. Jo i dseamf la cajmicoo' bre i dsea' do e caguiéng' neiñ' fí' lí' jié' e laco'

caláin̄n̄ do cóo'~ jaléng' dsea` i` ní' n̄i~ quiá'r̄. <sup>26</sup> Jo lajōb líí, fa' mi~ cango'~ jmigu' quiá'~ jaang` dsea` jo júum~ bre, joba' jo` ee` ta~ íng` jíí'~ coo` e ngúu` táain̄ do jóng. Jo lajōb líí cajo, ja` ee` ta~ íng` mi~ fé' dsea` e ja'~ líiñ̄ júu` quiá'~ Fidiéé` song ja` gui núu'r̄ fa' e nijmitir̄ e júu` quiá'~ dsea` do.

## 3

*'Né- e quie'* í'ba' jalé' e fé' dsea`

<sup>1</sup> Dsea` rú'naa' dsea` quiá'~ Dsea` Jmáang~ , ja` í` óo'na' fa' e ja` huíng' e líng'na' tifa' i` e' júu` quiá'~ Fidiéé`, co' nine~ba' guiú~ e eáang'gui ni'f̄ Fidiéé` í'` qui~ii' jaléng' jneaa~aa' dsea` líí'naa' tifa' mi~ ja` núu'~naa' e júu` jo laco'gui i` dsea` caguaang~gui i` ja` e' e júu` jo. <sup>2</sup> Jo e jáb'~ , e lajii~baa' dsea` líí'naa' dsea` jmigúú' ee~naa' dsee~ . Jo dsu' song seeng` jaang` dsea` i` ja` røong` jíí'~ coo` dsee~ cóo'~ jalé' e fé'r̄, jo i` dsea` í'bing' i` guiúng~ laco' sí'í` f̄' quini' Fidiéé`, jogui íb` cajo i` lí' jmé~ e ja` nitéiñ̄ f̄' ni~ dsee~ cóo'~ lí'` doñí' ee` e lí' dsíí' ngúu` táain̄ do cajo.

<sup>3</sup> Fa' laco' mi~ iing~ jaang` dsea` e nilinúu'~ cuea~ quiá'r̄ lajii'~ ta~ quiu'r̄, joba' ta'r' coo` ñí' freno fí' mo'oo' i` cuea~ do e laco' nilinúu'~re' lajii'~ ta~ quiu' fii~re'. Jo cóo'~ jíí'~ e ñí'` dob e jmóo` dsea` e núu'~ i` cuea~ do mi~ ee`gō iing~ dsea` e nijmé~re'. <sup>4</sup> Jogui lajōbi líí' cajo cóo'~ jalé' móo', e nañí' fa' jialgui la tíí' cóo'~, jogui 'lea' guí e huíng' eáang' e móo' do e laco' ningí~, dsu' cóo'~ coo` ñí'jiuba' e sií timón e e' fí' jíé' fí' lí' iing` i` dsea` i` quie' do e nidsé~ e móo' do.

<sup>5</sup> Jo lajōb líí' cóo'~ nisí'~naa' cajo, co' coo` e pí'`gui líí' jee~ lajalé' guoti~naa', dsu' cóo'~ e jo dseáng'~ jmigu- iu'ba' e cuøong` fé' dsea` e guiú~ jogui e ja` dseeng`. Jogui lajōbi cajo cóo'~ capi'`ma' jf̄ cuøom` e nijmé~ e nicó' mó' e fe' eáang', ¿já` já'~? <sup>6</sup> Jo e nisí'~naa' do líí' lafa' jib` ; jogui



cajo lí' lafa' cōo` e 'li'^ e 'lée' mi~ fé' dsea` e ja` dseeng`. Jo mi~ litíng` e fé' dsea` lajo, gab` uíng` quiá'r` jóng lajee` e seeiñ` fí' jmiǵüf` la, jo jalé' e 'li'^ e fé'r` do jáá' fí' lí' 'li'^.

<sup>7</sup> Jogui seem` i líing` dsea` i tíing` e' jaléng' jó' e laco' nilinúu~re', fa' jaléng' jó' i ngí' jee~ mó' jogui jaléng' tá' jogui jaléng' jó' i dsijñúung` uó` cóo' jaléng' jó' teáang' jmií'. <sup>8</sup> Dsu' jí' jaang` dsea` jmiǵüf` quí'r` jmií~ e ni'é'r` nisí'r` e laco' nilinúu~, co' e nisí'r` do lí' lafa' nó` mi', co' contøøm` í' jleng' e 'lée' cóo' jalé' e fé' dsea`.

<sup>9</sup> Jo cóo' nisí' baa' jmi féng' naa' Tiquí'ii' Fidié` dsea` guíing` ñifí-, jogui cóo' e job cajo 'lee~naa' mi~ eé'gō fé'naa' ga` uii~ quiá'- jaléng' dsea` rú'naa' i cajmeáang` Fidié` lí' laco' líiñ` 'ñia'r'. <sup>10</sup> Jo lajob lí', dsea` rú'naa', dsuco' fí' mo'oo` jaang` dsea` cuóøm` lí' uó` júu` e jmi féiñ' Fidié` jogui júu` e fé'r` ga` quiá'- dsea` rú'naa' cajo, jo dseáng'- ja` dseeng` e nijmé- dsea` lajo. <sup>11</sup> Jo lajob lí', dsea` rú'naa', co' ja` cuóøng` e fa' cōo` ojmiá' nicuó- tú- 'lé' jmií, ca'líng' e ráang- jogui ca'líng' e ñii-. <sup>12</sup> Jogui lajobi cajo fa' cōo` 'ma` güiñí'^, ja` cuóøng` fa' nicuó- ofíi` e jíé', co' jí' güiñí'^ ba' e cuóøng` ni'í- yá'^; o'gui huiing` güiing` jó'^ cuóøng` fa' e nicuó- güiñí'^ yá'^, o'gui cōo` ojmiá' ñii- cuóøng` cuó- jmií e ráang-, co' jí' lajob lí', ¿já^ já^-?

*Jial líing` dsea` mi~ dseáng'- já'- e cangíiñ` e tíiñ` ngáiñ'*

<sup>13</sup> Jo lajob fí' guí' 'nú', dsea` rú'naa', song seeng` i líing` lajee` la'ó' 'nú' i dseáng'- lajang'- e ngíiñ` e tíiñ` jogui e ngáiñ', joba' 'né- e nijmilib~ i dsea` do e líiñ' lajo la'eáang` e éer` røø` jee~ la'ó' dsea` rú'naa' jogui la'eáang` e jmicóo'r` dsea` rú'naa' cajo, dsu' ja` tíng- e jmicóøng' yaiñ~. <sup>14</sup> Jogui song íi' 'nú' í' óo'na' e tíing` na' ngáng' na' dsu' contøøm- guíng'^ na' dsea` rúng' na' jogui jmoo' na' jløng'^ na' cóo'r`, jogui lají' e jmoo' na' do lí' jí' e

líng'na' yaam~ba', joba' gab` líí' song jmoo`na' lajo, co' júu` ta~ júu` e líng'na' jaang` dsea` i cangíng` e tíng` ngáng` song jmoo`na' lajo. <sup>15</sup> Dsu' mi~ líng'na' lajo, o' e cacuø' Fidiée` e tíng'na' do, co' laji` e na jíí'~ e jmoo` dsea` dsee` dsea` qui' fí' jmiǵüî lab e núu'r~ lajíí'~ ta~ quiu' 'ñia' fii~ i 'lim'^. <sup>16</sup> Co' mi~ seeng` dsea` i dsihuíng' quiá'~ rúng'` o'si jmiǵløng'^ yaaiñ` é, jo job li~ uíng` e có' ga` quiá'~ i dsea` laf', jogui uíng`~ quiá'~ e jmoo`guir jalé' e 'lí' e jíé'gui e sea` fí' jmiǵüî la cajo. <sup>17</sup> Dsu' jaléng'gui dsea` i dseáng'~ lajang'~ cangíng` quiá'~ Fidiée` e tíiñ` ngáiñ', joba' jmang'~ e guiú`-ba' jmóor`, jogui juguiú` júu` røø` seeiñ`, jogui guiúb` dsíir', jogui fém'bi dsíir' cóo'~ jaléng'` dsea` rúíñ', jogui eáam'bi fí' líiñ` jaléng'` dsea` rúíñ' jogui jmicóo'~bre jaléng'` f' cajo, jogui jmang'` júu` jáb'~ fé'r'. <sup>18</sup> Co' jaléng'` dsea` i cuø' bí yaang` e seeiñ` røø` cóo'~ jaléng'` dsea` rúíñ' jogui e jmicóo'~biguir jaléng'` dsea` rúíñ' cajo e laco' lajím`bre niliseeíñ` lajo, joba' i dsea` f' nilí'r` e líiñ' dsea` guiúng` fí' quini` Fidiée`.

## 4

Güiliseem`ba' cóo'~ Fidiée`

<sup>1</sup> Jo lalab fíi`-guí' 'nú', dsea` rú'naa' dsea` quiá'~ Dsea` Jmáang`-: ¿Jie` fí' lí' naang` uíng`~ jalé' e jmiquíng'~ óo'na' jogui jalé'` mí'~ e jmoo`na' la'ó'` rúng'na'? Jo jmoo`na' lajo co' contøøm`-suung'na' jalé' e lí' óo'na' fí' jmiǵüî la, jogui jmang'~ e gab` í' óo'na', ¿já^ já'~? <sup>2</sup> Co' mi~ eè'go iing`na' e sea` fí' jmiǵüî, jo mi~ lí'^na' e ja` cuøøng` nilí'na' e jo, joba' jie` ja` nijngám'ba' dsea` rúng'na' jóng. Jogui eáam' dsihuíng'na' mi~ eè'go sea` quiá'~ dsea` rúng'na', jo dsuco' ja` lí'gui' e jo, joba' eáam' jmoo`na' 'nii' cóo'r~, ¿já^ já'~? Dsu' ja` mí' cali'na' jalé' e iing`na' do co' ja` mí' camí'~na' Fidiée` e nicuø'r' 'nú' e jo. <sup>3</sup> Jo dsu' mi~ mí'~na're eè'go iing`na', ja` nicuø'r' 'nú' jalé'

e m̃í'~na're do, dsuco' m̃í'~na'r lajii'~ e ja`dseeng` e lico' jmi'iaang` óo'na' yaam~ba'.

<sup>4</sup> ;Dsea` 'ling`^ 'nú', co' líng`na' dsea` i tú` í'! ;Já` ñí` 'nú' e mi` iing~na' e jmi'iaang` óo'na' cóo'~ lajii'~ e sea` fí' jmigüi' la, joba' 'ní' máam`ba' Fidiée` jóng dsea` guiiñ` ñifi' ? Cofa' lí' doñi' ii` dsea` i iing` e nijmi'iaang` dsíir' cóo'~ lajii'~ e sea` fí' jmigüi' la, joba' ni'uiiñ` jóng jaang` dsea` i 'ní' níng` Fidiée`. <sup>5</sup> Co' e líng` uim~ba' e tóo' fí' ni` jì quiá'~ Fidiée` lala: "Fidiée` dseáng'~ e lajam'~ba' eáang` 'neáaiñ` jneaa~aa', co' í'bing' cacuø' la- jaang` lajaang` jneaa~aa' e jmiguí' cóo'~ e see`naa'." <sup>6</sup> Dsu' eáam' jmicóo'~ dsea` do jneaa~aa', co' dsíng'~ guiiñ` cóo'~ jneaa~aa', dsea` ja` catíi`naa' lajo, co' lalab fé' fí' ni` jì quiá'r: "Dseáng'~ teáb` sée` Fidiée` quiá'~ jaléng' dsea` i jmicóong'~ yaang~, dsu' eáam' guí' jmicóo'r` jaléng' dsea` i ja` jmoo' lajo co' ñi`bre e 'né` e nijmicóo'~ Fidiée` quiá'r~."

<sup>7</sup> Joba' jáang'~ yaang~na' fí' jaguó` Fidiée`, jogui ja` cuø'na' fí' yaang~na' e jmijíng`na' i fii' i 'ling`^, jo lajoba' i do nidsihuíiñ` fí' lí` seeng`na'. <sup>8</sup> Güiquiéeng`gui' fí' quini` Fidiée`, jo dsea` do nijaquíéeng`guir fí' quini`na' cajo. Jogui jaléng'` 'nú', dsea` dsee` dsea` qui', túu`na' jalé' e ja` dseeng` e jmoo`na', jo jmisiíng`na' jalé' e ga` e í' óo'na', co' jaléng'` 'nú' líng`na' dsea` i tú` neáang` dsíi', dsuco' iing~na' teáang`na' fí' guí' cóo'~ Dsea` Jmáang` jogui iim~bi' cajo e jmée`na' jalé' e ga` e sea` fí' jmigüi' la. <sup>9</sup> Quii'~na', jogui jmée`na' e líng`na' fi'í` quiá'~ jalé' dsee` e nica'ee`na' do. Jogui ja` dseeng` fíng song ningíi`na' uii'~ quiá'~ jalé' e dsee` jo, co' 'né` e qui'`ba' uii'~ quiá'~ e dsee` quii`na' do. Jogui fíng song e iaang` óo'na' cóo'~ jalé' dsee` quii`na' e nicarøng`na' do, joba' 'né` e nilíng`na' e fi'í' b` jóng uii'~ quiá'~ jalé' e jo. <sup>10</sup> Jogui mi` lí'na' e røøng`na' dsee`, joba' 'né` e ja` nijmiráang`

yaang~na' fí' quini' Fidiée', jò lajòba' dsea` do nijmicóo'r~  
'nú' e seeng`na' cøøng` cóo'r~.

*Ja`cuø'na' dsee` jaléng' dsea` rúng'na'*

<sup>11</sup> Dsea` rú'naa' dsea` quiá'- Dsea` Jmáang-, ja` fól'na' ga` uii~ quiá'- jaléng' dsea` rúng'na'. Dsæco` i dsea` i fé' ga` uii~ quiá'- dsea` rúng' osi cuø'reiñ' dsee- é, jòba' lí' laco' e fé'r' ga` uii~ quiá'- júu^ quiá'- Fidiée' jóng, jò o'gui jmitir~ lajii~ e júu^ quiá'- dsea` do. Co' jaléng' i dsea` i ja` jmi'gó' jalé' e júu^ do, joba' lí' laco' gab` nifé'r' uii~ quiá'- e júu^ jò e lafa' e nijmér- núu'r~ e jò laco' si'í'. <sup>12</sup> Jò jaam` dsea` féng' seeng`, jò íb` i cacuø' e júu^ do. Jogui íbì cajo` i tíng` quidsí' í' røø` quiá'- dsea`, jò lajii~ íbì cajo` dsea` i tíng` láang` dsea` jmi'güü' jee` jalé' dsee- quiáin' osi cuø'r' dsea` iihuú' laco' catíng- é uí' quiá'- jalé' e jò. Jogui 'nú', ¿i~ lín' e lín' e sea` fí' e nicuø' dsea` rúng' dsee-?

*Ja`ne~naa' e~ nidsijé' dsa'ó' iéé'*

<sup>13</sup> Jogui lana, dsea` rú'naa' dsea` quiá'- Dsea` Jmáang-, núu-na' jalé' e nifí'í' 'nú' la, jaléng' 'nú', dsea` jmicóøng~ yaang~na' e fól'na' lala: "Dsa'ò' iéé' nidsé^naa' fí' fii' la osi fí' fii' do é, jò fí' jòb nitaang~naa' coo` jii` e jmó^naa' ta` lí' cuu-." <sup>14</sup> Jò ¿jali' í' óó'na' lajò?, co' jii~ ja` mí' ñí'bi' e~ nidsingíng-na' lí' dsa'ó' lí' iéé'. Co' 'nú' líng'na' lafa' jní' tii, co' e joba' e jnéeng` jii~ lajee` cateá` jò ni'ím- jóng. <sup>15</sup> Joba' ja` dseeng` e fo^na' lajò, dsu' lalaba' e catíng- e nifo^na': "Song cuø' Fidiée' fí' lajò e see-guú' fí' jmi'güü' la, jòba' nil' jalé' e 'né' lí' jóng." <sup>16</sup> Dsu' 'nú'gui lí' riquib' í' óó'na', joba' eáam` jmicóøng~ yaang~na' cóo'~ jalé' e fól'na' e nijmée^na'. ¿Su ja` ñí'na' e mi~ jmoo^na' e jmicóøng~ yaang~na' lajò, gab` lí'í? <sup>17</sup> Jò 'né- e tóo` óó'na' e la cajo: Song ñib' jaang` dsea` jalé' e

guiú<sup>-</sup> e 'né<sup>-</sup> jmér<sup>-</sup>, jø dsu<sup>!</sup> song ja<sup>!</sup>gui jmitir<sup>~</sup> jalé<sup>!</sup> e jø, jøba<sup>!</sup> jmiróm<sup>^</sup> dsee<sup>-</sup> 'ña<sup>!</sup>r' jóng.

## 5

*Júu<sup>^</sup> hí<sup>^</sup> 'goo<sup>^</sup> quiá<sup>-</sup> jaléng<sup>^</sup> dsea<sup>^</sup> sea<sup>^</sup> cuu<sup>-</sup>*

<sup>1</sup> Jogui fí<sup>-</sup> guí<sup>-</sup> 'nú<sup>!</sup>, jaléng<sup>^</sup> dsea<sup>^</sup> rú<sup>!</sup>naa<sup>!</sup> dsea<sup>^</sup> i sea<sup>-</sup> cuu<sup>-</sup>, núu<sup>^</sup>na<sup>!</sup> jalé<sup>!</sup> e júu<sup>^</sup> e nifí<sup>-</sup> i 'nú<sup>!</sup> la: Quíí<sup>~</sup>na<sup>!</sup> jogui oo<sup>-</sup>na<sup>!</sup> quiá<sup>-</sup> e fí<sup>!</sup> e nilíng<sup>-</sup>na<sup>!</sup> cóo<sup>!</sup> jalé<sup>!</sup> iihuí<sup>!</sup> e nabi nidsingíng<sup>-</sup>na<sup>!</sup> mi<sup>~</sup> niquidsí<sup>!</sup> Fidiée<sup>^</sup> í<sup>!</sup> quiá<sup>-</sup> dsee<sup>-</sup> quíí<sup>-</sup>na<sup>!</sup>. <sup>2</sup> Co<sup>!</sup> ni'íim<sup>-</sup> lajalé<sup>!</sup> e 'mo<sup>^</sup> e nisi<sup>!</sup>mó<sup>!</sup>na<sup>!</sup>, jø jø<sup>^</sup> e ta<sup>~</sup> nili'íing<sup>^</sup> jíí<sup>!</sup> cóo<sup>^</sup> quií<sup>^</sup>na<sup>!</sup>; jogui jalé<sup>!</sup> sší<sup>!</sup> quíí<sup>-</sup>na<sup>!</sup> cajo ni'íim<sup>-</sup> e nidó<sup>-</sup> jaléng<sup>^</sup> jó<sup>!</sup> fí<sup>~</sup>. <sup>3</sup> Jogui jalé<sup>!</sup> ctee<sup>^</sup> cóo<sup>!</sup> cunée<sup>^</sup> e si<sup>!</sup>má<sup>^</sup>na<sup>!</sup> nisó<sup>!</sup> 'lee<sup>^</sup>, jø jø<sup>^</sup> ee<sup>^</sup> ta<sup>~</sup> nili'íing<sup>^</sup>gui quíí<sup>^</sup>na<sup>!</sup> jóng. Jø e 'lee<sup>^</sup> e só<sup>!</sup> dob nicuø<sup>!</sup> lí<sup>~</sup> quiá<sup>-</sup> jalé<sup>!</sup> e ja<sup>^</sup> dseeng<sup>^</sup> e jmoo<sup>^</sup>na<sup>!</sup> e cajmi<sup>!</sup>óo<sup>!</sup>na<sup>!</sup> yaang<sup>~</sup>na<sup>!</sup> jalé<sup>!</sup> e sea<sup>^</sup> fí<sup>!</sup> jmigüí<sup>!</sup> la, jø e jø lí<sup>!</sup> lafa<sup>!</sup> nicáng<sup>^</sup> 'nú<sup>!</sup> cóo<sup>!</sup> jí<sup>!</sup>, co<sup>!</sup> eáam<sup>!</sup> nicajmi<sup>!</sup>óo<sup>!</sup>na<sup>!</sup> jalé<sup>!</sup> e jø lajee<sup>^</sup> lana e nijaquieéng<sup>^</sup> e tí<sup>!</sup> lí<sup>~</sup> ni'íing<sup>-</sup> jmigüí<sup>!</sup>.

<sup>4</sup> Núu<sup>-</sup>na<sup>!</sup> e jaléng<sup>^</sup> i dsea<sup>^</sup> i cajmée<sup>^</sup> ta<sup>~</sup> quíí<sup>^</sup>na<sup>!</sup> i ja<sup>^</sup> caquí<sup>^</sup>na<sup>!</sup> e 'léeiñ<sup>!</sup> laco<sup>!</sup> catíng<sup>-</sup>, jøba<sup>!</sup> lana múb<sup>!</sup> nitáng<sup>^</sup> i dsea<sup>^</sup> do 'nú<sup>!</sup>, dsu<sup>!</sup> nicanúub<sup>-</sup> 'ña<sup>!</sup> Fidiée<sup>^</sup> dsea<sup>^</sup> 'gøng<sup>^</sup> i guíng<sup>~</sup> fí<sup>!</sup> ñifí<sup>-</sup> jalé<sup>!</sup> e júu<sup>^</sup> e nicafé<sup>!</sup> teá jaléng<sup>^</sup> i dsea<sup>^</sup> í. <sup>5</sup> Jogui lajee<sup>^</sup> e taang<sup>~</sup> 'nú<sup>!</sup> fí<sup>!</sup> jmigüí<sup>!</sup> la, nicaliséng<sup>^</sup>na<sup>!</sup> lí<sup>^</sup> laco<sup>!</sup> jaang<sup>^</sup> dsea<sup>^</sup> 'goo<sup>^</sup> eáang<sup>^</sup> e jmoo<sup>^</sup>na<sup>!</sup> la tíí<sup>!</sup> e já<sup>-</sup> óo<sup>^</sup>na<sup>!</sup>, jogui e sea<sup>^</sup> jalé<sup>!</sup> e iing<sup>~</sup>na<sup>!</sup> e laco<sup>!</sup> jmi'íaang<sup>^</sup> óo<sup>^</sup>na<sup>!</sup> laco<sup>!</sup> jaang<sup>^</sup> jó<sup>!</sup> i jmi'úng<sup>!</sup> dsea<sup>^</sup> quiá<sup>-</sup> e nijngáiñ<sup>!</sup>. jø dsu<sup>!</sup> lana nicatí<sup>!</sup> í<sup>!</sup> quíí<sup>-</sup>na<sup>!</sup>! <sup>6</sup> Jø 'nú<sup>!</sup>, eáam<sup>!</sup> nicacuø<sup>!</sup>na<sup>!</sup> dsee<sup>-</sup> jaléng<sup>^</sup> dsea<sup>^</sup> i ja<sup>^</sup> dsee<sup>-</sup> røøng<sup>^</sup> cartí<sup>!</sup> nicajngam<sup>!</sup>baa<sup>!</sup>re, jø ja<sup>^</sup> ee<sup>^</sup> teá<sup>^</sup> casée<sup>^</sup> i dsea<sup>^</sup> do cóo<sup>!</sup> 'nú<sup>!</sup> jíí<sup>!</sup> capi<sup>!</sup>.

*'Né<sup>-</sup> jmó<sup>^</sup>oo<sup>!</sup> féng<sup>^</sup> dsi<sup>!</sup>baa<sup>!</sup>*

<sup>7</sup> Jo fiī-guîi 'nú', dsea` rú'naa' dsea` quiá'- Dsea` Jmáang-, jmée^na' féng' óo'na' cóo'~ jalé' e dsingíng-na' cartí mī nigüéeng-tu Fíi'naa' fí jmigüi' la. Jo 'né- jmée^na' e jo laco' jaang` dsea` i jmóo` ta~ jenuu` e sijeem`bre lajii'~ e niró' fí guóo'~ uó- quiá'r- car` mī nití- jii' jmí', co' lajoguiba' e nicuáng` laco' si'í' lajalé' e cajnir` do. <sup>8</sup> Jo e laco' e féng' dsíi' i dsea` í, lajobi 'né- e féng' óo' 'nú' cajo, jogui cuóo'~gui' fí yaang~na' e teáang-gui' teá fí guiú` cóo'~ Dsea` Jmáang-, co' lajee` lajmináb- nigüéeng-tu Fíi'naa' fí jmigüi' la calé' catú-.

<sup>9</sup> Jo lajob fiī-guîi 'nú', dsea` rú'naa': Ja` jmoona' e jmiquíng'- óo'na' la'ó' rúng'na', co' lajoba' ja` nicuó'- Fidiée` 'nú' dsee-; co' nijaquíém' e nigüéeng-tu Fidiée` fí jmigüi' la calé' catú- e niquidsir' í' quiá'- dsea` jmigüi'.

<sup>10</sup> Jo lajob líi', dsea` rú'naa', jmiguiéng' óo'na' jalé' e cajmée` jaléng' i dsea` i café' cuaiñ` quiá'- Fidiée` malii~gui eáang' mī cangár- jalé' iihuí', co' cajméeb` dsea` do e féng' dsíir' cóo'~ jalé' e jo. <sup>11</sup> Jo fé'naa' e juguiú- jiu quiá'- jaléng' i dsea` i cajmée` té' cóo'~ jalé' e iihuí' e cal'ín' do. Jo nicanúub- 'nú' cajo jalé' júu^ e café' dsea` quiá'- jaang` dseañu` i calisí Job i caliséng` malii~gui eáang', co' ie~ jo i dsea` í eáam' califéng' dsíir' cóo'~ jalé' iihuí' e cangár-. Jogui ní^bi 'nú' guiú- cajo jial cajmicóo'~ Fíi'naa' Fidiée` e ni'uíng- guiú- quiá'r- mī cangí jalé' e jo; co' eáam' guiúng- Fidiée` cóo'~ jaléng' dsea` jogui eáam' fí' líiñ- cajo. <sup>12</sup> Jo lí^ lajee` lajalé' e niing-gui, dsea` rú'naa', e lab e jo; mī cuona' júu^ quíi-na', ja` ééng'na' fii- quiá'- lí^ doñí ee: ja` ééng'na' fii- ñíff- o'gui ééng'na' fii- guóo'~ uó- o'gui quiá'- lí^ doñí jíé' é. Dsu' mī cuona' júu^ quíi-na' e jmée^na' lí^ doñí ee, jo dseáng'- 'né- e jmití'ba' jóng; jogui mī cuona' júu^ quíi-na' e ja` jmée^na' lí^ doñí ee, joba' dseáng'- 'né- e ja` jmée^ba' jóng. Jo fíng song jmití'na' jalé' e júu^ quíi-na'

do, joba' ja` nicuó' Fidiéé` 'nú' dsee` quiá' jalé` e jo.

*Dsing' íng` ta~ e féng' dsea` Fidiéé`*

<sup>13</sup> Jo fñi`guí` 'nú', dsea` rú'naa' dsea` quiá' Dsea` Jmáang`, fíng song i` la'ó' 'nú' móo`na' iihuí', joba' i` dsea` í` 'né` m'í'r` Fidiéé` e nijmicóo` dsea` do quiá' jalé` e jo. Jogui fíng song i` la'ó' 'nú' e íáang` ó'na', joba' 'né` e ó`bre quiá' e jmiféiñ' Fidiéé`. <sup>14</sup> Jogui song jaang` dsea` la'ó' 'nú' ráaiñ` dsée'r~, joba' 'né` e nitó'r` jaléng` dsea` i` quie` nifí` quiá' dsea` quiá' Dsea` Jmáang` e laco' i` dsea` í` nim'í'r` Fidiéé` uii` quiá' i` dsea` dsée' do e ni'leáam`biñ' do, jo la'eáang` cóo' júu` quiá' Dsea` Jmáang` nisúur` capí` noo` fí` guiaquí` i` dsea` dsée' do, jo lajoba' ni'leáaiñ` do. <sup>15</sup> Jogui mi` já' líiñ` e Fidiéé` niñír` lajii` e m'í`reiñ' do, joba' ni'leáam` i` dsea` dsée' do jóng, jo la'eáang` cóo' Fí'baa' e nitíng`tur calé' catú`. Jogui fíng song nica'ée` i` dsea` i` lamí` dsée' do dsee`, joba' ni'íim` Fí'naa' dsee` quiá'r` jóng. <sup>16</sup> Jo fñi`guí` 'nú', dsea` rú'naa', jmée'na' júu` la'ó' rúng`na' quiá' jalé` dsee` e nicarøng`na', jo m'í`na' Fidiéé` uii` quiá' rúng`na' cajo e laco' nitíng`na'. Co' mi` jaang` dsea` sing' teá' fí` guiú` cóo' Dsea` Jmáang` jo féng' i` dsea` do Fidiéé` dseáng' e caniing` í` dsír', joba' eáam` íng` ta~ e 'gøng' e júu` jo fí` quini` Fí'naa'.

<sup>17</sup> Jo jmiguiéng' ó'na' quiá' e calí` ie` maliñ` do ie` cateáang` jaang` dsea` i` café' cuaiñ` quiá' Fidiéé` fí` jmigüí` la i` calisí` Líi`. Jo i` dseañu` í` líiñ` jaang` dsea` jmigüí` laco' líng` jneaa`aa', dsu' mi` camí' dsea` do Fidiéé` la'eáang` cóo' Jmiguí` quiá' dsea` do e niquiung` e tuu` jmí', jo lajob` calí`. Joba' lajee` 'ni` jii` dsí` ca'ná'` ja` catuu` jmí' fí` e guóo' uó` jo. <sup>18</sup> Jo mi` cangí` jo, i` Líi` do camí`tur Fidiéé` e nitú`tu` jmí', joba' lajob` calí`, catuub`tu` jmí', jogui canaam`tu` cuø` jalé` e jní` dsea` fí` guóo' uó`.

19 J̄o f̄f̄ī- guí̄ 'nú', dseá` rú'naa' dseá` quiá'- Dseá` Jmáang-, e song jaang` la'ó' 'nú' i casíng'- fí' guí̄- cóo'- Dseá` Jmáang-, j̄o dsu' lajeē j̄o ninaang` i dseá` do e nilitúng- dsíir' cóo'- júu^ quiá'- dseá` do, j̄o song jaang` guí̄ dseá` la'ó' 'nú' cajméer` e calinúu'~ tu i dseá` do júu^ quiá'- Dseá` Jmáang-, 20 joba' güilíñí^ na' guí̄-, dseá` rú'naa', e doñí' ī dseá` i niquí'- nijíng' jaang` guí̄ dseá` rúng' i ngóo' fí' ga, joba' i dseá` í jmóor` e ni'íim- jalé' dsee- e nirøng` i dseá` do, j̄o guí̄ nileám` i dseá` do e ja` nidséiñ'- fí' lí- 'lí^ mĩ~ nití- oor~ quiá'r- e nidséiñ'- fí' jmigüi^ cóo`.

J̄o lajob nilí.

J̄o jí'~ lanab fé' jì quiá'- Tiáa~.



Júu 'mí e cacuo fidié  
New Testament in Chinantec, Comaltepec (MX:cco:Chinantec,  
Comaltepec)

copyright © 2002 Wycliffe Bible Translators, Inc.

Language: Chinantec, Comaltepec

Translation by: Wycliffe Bible Translators, Inc.

Chinanteco, Comaltepec [cco], Mexico

### Copyright Information

© 2002, Wycliffe Bible Translators, Inc.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Chinantec, Comaltepec

### © 2002, Wycliffe Bible Translators, Inc.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-22

---

